

東華續錄

同治朝

卷九十二至九十五

第五冊

今十月廿一朔諭軍機大臣等張廷岳奏擊獲逆人犯並賊匪竄擾情形一摺據獲賊供稱該匪在畢爾圖

圍勢已極窮○該匪等輕率招降並自撤營壘縱令賊匪遠颺實屬罪無可逭爾清前已降旨摘去頂戴

問交奎昌多布沁札木札噶爾將該革員貽誤情形嚴行審訊定擬具奏該犯韓會林等三名著張廷岳阿爾塔

赴烏里雅蘇台交該署將軍等歸案審訊並將該犯等原供一併鈔送奎昌等嚴辦達爾濟所部官兵即著札噶爾

又員營帶以資得力阿畢爾米特遊牧邊界及巴勒達爾多爾濟遊牧邊界均有賊匪竄擾見在該逆已竄過因爾和

地方齊默特多爾濟伯克瓦齊爾業已追剿無及逆蹤飄忽屢常難保不復圖回竄著張廷岳阿爾塔什達督飭各軍安

防勒杜噶爾務當偵賊所向實力掃蕩迅殄逆氛將此由六百里各諭令知之○諭文麟景廉奏肅州回匪撲進安西州城

立時擊退並賊擾敦煌縣境各摺片肅州回逆屢竄出關七月初二日撲入安西州城當經該城文武及駐防該處之提督

張玉春等督率弁勇登時擊退該地方文武員弁雖屬疏於防範尚能將賊眾立時擊退力保危城均著免其議處提督張

玉春副將柳致勝協守出力均著交部議敘其餘出力員弁著准其查明酌保毋許冒濫該逆雖經東竄難保不去而復來

著文麟景廉督飭該城文武實力防剿以杜窺伺其竄擾敦煌之賊經李天和等於秦安坊地方擊敗該縣四鄉被賊蹂躪

情形可憫著文麟等妥為撫恤毋使失所並著飭令在防官軍遇有賊蹤竄近迅速堵剿力遏狂氛見在賊匪紛擾關外安

教玉等處均形喫緊若不速籌堵禦恐哈密後路漸致梗阻成祿一軍本應出關督剿即先派數營前往嘉峪關扼紮以防賊

匪出竄之路一面飭令關外三營隨時截剿力保完區徐占彪一軍計已由蘭州拔隊西進著左宗棠催令迅赴肅州將該

處賊股力籌剿辦毋任紛竄成祿於徐占彪抵肅後即當統率所部出關相機前進毋稍滯滯本日據張廷岳等奏甘省回

匪時由肅州一帶出邊竄擾圍撲庫倫等語成祿於肅州一帶要隘設法堵截並著左宗棠飭令徐占彪到防後分撥兵勇

妥為布置以免賊匪出竄邊外益滋蔓延將此由六百里各諭令知之○命曹克忠接統劉銘傳軍赴肅州防剿○于士魯

著陣亡署同知許清貴祭葬世職○己未諭軍機大臣等文碩奏籌辦沙山子民團事宜一摺沙山子民團神趙興豐派隊在

瑪納斯呼圖壁交界地方截擊烏魯木齊援賊向屬得手該處民戶聚積日多自應妥為指循以壯聲勢仍著文碩隨時酌

度情形妥為籌辦干總李昶遇賊受傷曾否就痊文碩已派都司札拉豐阿等帶兵前往布倫托海查看情形筆帖式文齡

接辦李昶請事如果相宜即著賞給五品頂帶俄人行至察罕鄂博折回聲言秋涼再由西進著文碩飭令趙興豐等嚴為

接辦李昶請事如果相宜即著賞給五品頂帶俄人行至察罕鄂博折回聲言秋涼再由西進著文碩飭令趙興豐等嚴為

接辦李昶請事如果相宜即著賞給五品頂帶俄人行至察罕鄂博折回聲言秋涼再由西進著文碩飭令趙興豐等嚴為

接辦李昶請事如果相宜即著賞給五品頂帶俄人行至察罕鄂博折回聲言秋涼再由西進著文碩飭令趙興豐等嚴為

籌畫商辦理榮全業已啟程前赴伊犁帶兵無多所有後路解餉及轉運事宜著李昌多布沁札木楚文碩懷遵前旨安  
建籌辦毋庸推諉沙山子等處未運糧石即著文碩飭令委員等提存員義堡內以備榮全後路接濟前經疊諭杜嘎爾抽  
調馬隊一千名令吉爾洪額訥蘇肯帶赴榮全軍營著該副都統迅速飭令啟程毋再延緩將此由六百里各諭令知之○  
庚申諭軍機大臣等恭親王呈遞巴揚阿稟函內稱湖南益陽龍陽匪徒已散道州土匪尙有一二千人風聞武岡州有六  
月初旬被圍之說至龍陽之變實由該邑鄉紳陳少海恃與巡撫劉峴之子爲親家倚勢貪功草菅人命誣殺團首劉秀芝  
遂致激成釁端陳少海全家被害帶兵道員李光輝副將陶緯參將羊毓均未捕獲一人羊毓一軍尤甚於賊鄉人切齒見  
聞著名匪首施玉聚眾四五百人在武岡山內竊藏又洞庭西湖巷內有大頭目劉鴻怡原係湖北候補縣丞棄官爲寇湖  
南州縣賢否不齊或辦案稍有枉縱該匪等即藉口滋事請據稟轉奏派員查辦等語湖南散勇會匪徧地皆是該處有司  
專以敷衍了事養癰貽患深切隱憂著派李瀚章馳驛前赴湖南將該省文武各官粉飾貽誤各情確切查明據實參奏毋  
得以奏報肅清在前稍有回護其整飭吏治保衛地方各事宜亦著詳悉熟籌奏明辦理再巴揚阿又稱夥匪內見有偽天  
王東王西王南王北王名號並肆用從前洪秀泉偽記等語並著李瀚章嚴密訪查如果實有其事即應迅速派兵掩捕盡  
法懲治以遏亂萌原稟著鈔給閱看將此由五百里諭令知之○論巴揚阿遞寄恭親王稟函詳述湖南會匪情形業據恭  
親王呈覽已派李瀚章前往查辦矣地方公事專歸該省督撫具奏若此事關緊重大非尋常地方公事可比該將軍有奏  
事之責本可據摺奏聞無所用其顧忌嗣後遇有此等緊要事件即著隨時據實奏聞將此諭令知之○辛酉諭軍機大臣  
等杜嘎爾奏追剿匪徒除淨盡一摺潰匪竄踞公阿畢爾米特旗游牧地方經扁珠哩等帶隊馳剿於賽堪阿林之北那  
林渾第等處將賊匪四百餘名悉數殄除賊首主堆老四亦經殺斃其馬受王大漢晃老五等是否一併擒斬仍著杜嘎  
詳悉具奏昨據張廷岳等奏稱阿畢爾米特游牧邊界及巴勒達爾多爾濟游牧邊界均有賊匪竄擾見在已飭調回板  
賽堪地方是逆蹤飄忽靡常難保不肆行紛竄杜嘎爾見飭各隊在札達噶圖地方駐紮並派員在固爾板賽堪及翁  
等處偵探賊蹤仍著認真防遏賊即擊毋稍鬆懈昨有旨將達爾濟革職等因著該副都統派員督  
督邊界一摺著該副都統力庫倫防務緊要張廷岳阿爾塔什達仍當就見有兵力嚴密防剿迅掃逆氛將此由  
諭令知之○壬戌賜丁錦等九十二人武進士及第出身有差○癸亥賞通州王恕園等處賑米六百石  
部庫借撥龍江俸餉五萬兩並諭直隸等省速解黑龍江積欠俸餉暨整裝銀兩○甲子諭軍機大臣

明粵西大概情形見籌整頓、語粵西近年以來吏治軍政廢弛已極以致伏莽未除強團不法劉長佑見勢將變、

各軍由馮子材整飭調遣此外各營擇得力道府數員分帶任以剿捕之事精察廉能並於調撥時量加裁併以節

著照所擬辦理實員員賢能道府督率廉能牧令隨時隨事加意整頓實力奉行不可徒託空言致負委任廉恥承

匪前已諭令劉長佑等刻日殄滅著即嚴飭肅清等語真剿捕務絕根株毋任蔓延為患南太泗鎮等府距省較遠

蘇奸尤當次第肅清掃除餘孽以靖地方至該省兵力半駐越南邊境內地本不免空虛著馮子材迅將鄧建初等段

繼除以緩藩服並可騰出兵力會商劉長佑擇要布置綏靖疆圉將此由四百里各諭令知之○乙丑諭軍機大臣等

有旨將劉崑開缺另候簡用令王文韶署理湖南巡撫張元炳署理湖南布政使矣劉崑見有應行查辦之案著李瀚章

知該前撫仍在湖南聽候查辦俟此案奏結後再候諭旨王文韶吳元炳署理撫藩各篆能否勝任並著該督隨時察看據

實具奏將此諭令知之○諭奎昌多布沁札札木楚奏抽撥官兵赴臺平剿慶春奏籌辦臺站事宜各一摺奎昌等以畢密

廟被圍之賊詐降逃遁恐南路一帶臺站為賊所擾現派棍鳴札勒參帶兵前赴哈爾尼敦翁音河適中等處擇要駐紮保

護邊道即著督飭該呼圖克圖實力防守毋稍疏虞前據杜嘎爾奏福珠哩等軍在那林渾第地方將潰匪兩股剿除淨盡

賊首圭堆老四等亦經殲斃當經諭令該副都統認真探防逃賊即擊見在翁音河等處有無另股賊蹤仍著杜嘎爾嚴飭

所部確實偵探相機進剿毋稍疏虞烏城兵力本單棍鳴札勒參見察哈爾尼敦一帶總以力顧後路為要毋得貪功輕進

致烏城空虛或有疏失庫倫防兵糧石慶春見飭管臺參領等將喀喇沁臺站壅滯軍餉設法催運並令迎提軍糧差官洪

富等赴臺督運即著檄飭在事各員迅速辦理源源運解毋稍稽遲賴勒和布到京見在請假一月俟假期屆滿即飭該都

統馳赴新任所有臺站分段責成事宜仍著慶春趕緊籌畫奏明舉辦不得以接替有人稍涉推諉並著奎昌多布沁札木

楚懷遵九月十九月初一日諭旨將邊外臺站如何分段整飭之處詳慎籌辦迅速奏聞將此由六百里各諭令知之○

以何廷謙為內閣學士由唐王森為左副都御史由宗人府○命劉崑開缺另候簡用以王文韶署理湖南巡撫吳元炳署

湖南布政使由翰林院侍讀○己巳子山東軍營病故提督王心安祭葬卹廕加等諡果毅○辛未榮壽公主額駙志瑞病故

賞銀一千兩治喪○壬申諭軍機大臣等景廉奏遵旨籌畫進兵一摺景廉奉命進規烏魯木齊見已撤調駐紮安西等處

步隊三營交提督張玉春統帶由巴里坤向西進發並咨調巴里坤綠營官兵三百名隨同進攻統計兵勇三千有餘防剿

葉爾齊屬不敷分布景廉已會商文麟飭令孔才馳赴西路調齊鎮西定西等營暨奇古一帶兵勇聽候調遣即著酌度情

形妥爲籌取以資得力成祿卽懷遠前旨迅統所部剋期出關不准再涉遲延景廉軍餉前已由西征糧臺借撥銀十萬兩並催令四川等省將月協專協等款歸數籌解著戶部再籌撥銀十萬兩解至察哈爾由景廉派員迎提應用慶春當派員謹解催趨前進以期迅速此項餉銀到尙需時准景廉先於烏科兩城各借撥銀二萬兩著金順奎昌多布沁札木楚常順文碩照數發交該委員運解同營俟部撥餉銀解到卽行扣還景廉見需催駝六百隻牛二百頭羊二千隻著文碩飭屬於烏梁海等處代爲購買此項價值卽由借撥餉銀內提出發給至軍行糧道最關緊要景廉見擬派員分赴巴里坤奇臺古城一帶查看採辦軍糧必須寬爲籌備以供支放著伊勒屯文麟隨時照料毋稍暇視景廉迅將諸事布置妥協刻卽督隊西行力圖規復毋誤機宜安敦玉等處險要著文麟撥兵填紮嚴密防守不可稍涉大意關外軍情緊急烏里雅蘇台又時虞賊匪同竄著金順迅卽馳赴新任將防剿事宜悉心布置以副委任另片奏請調員差委及分撥馬隊等語著金軍營前已將富和等十員發往足敷差委本日有旨將景廉簡放烏魯木齊都統哈密幫辦大臣令錫綸補授並令赴景廉軍營隨同辦事矣穆圖善如能分撥吉林黑龍江馬隊二百名歸景廉調遣卽著撤令兼程出關以資攻剿其請撥洋槍軍火已諭令李鴻章等籌解矣將此由六百里各諭令知之○諭據景廉奏遵旨籌畫進兵一摺景廉進規烏魯木齊因哈密僅有馬步隊三營將後路駐防三營調赴哈密由巴里坤向西進發其安西敦煌兩處卽由文麟分兵駐紮以資防守安敦玉等處爲巴哈東路聲援見在屢被肅回竄擾茲又將駐防三營拔赴前敵文麟亦未必有兵可撥後路益形空虛殊屬可慮本日已諭令成祿迅日帶兵出關以資厚集第念肅州一帶必須有兵填紮方足截回氛之西竄壯關外之聲威著左宗棠據邊疊次諭旨檄催徐占彪一軍迅赴肅州將該處賊股力籌剿辦毋任紛竄烏魯木齊爲逆回老巢雖類甚眾卑廉亦爲賊踞勢成倚角景廉所部僅三千人益以成祿一軍兵力仍形單薄必須另添勁旅扼紮關外庶可聯絡聲勢前經諭令肅州忠接統劉銘傳所部准軍拔赴肅州將來此軍抵肅若令徐占彪率隊出關分紮安敦玉等處足爲景廉等後勁並著左宗棠斟酌情形豫爲籌畫毋誤事機景廉等軍餉前據寶保恆奏先撥銀六萬兩派提督李炳勳等領解赴哈等語此時抵何處著左宗棠嚴飭該提督等迅速西行並令沿途員弁妥爲護送俾得早抵哈密以利師行其餘四萬兩並著該督飭令西征糧臺迅速撥解往毋稍稽遲將此由六百里各諭令知之○奏西征軍機大臣等劉峴奏官軍攻克榜嶺老巢見飭進剿清江南北兩岸一摺援各各軍自剿除雷公山苗巢後該逆卽收聚聚糧屯踞榜嶺分占麥哨等處負隅抗拒提督黃昌等分路進攻疊平逆寨併攻克榜嶺老巢惟清江南北兩岸尙有亂苗占踞見已飭黃昌等先將丹江西南一帶

開懷南路底定由凱里前進麻凱逆氛進逼北岸之黃飄等處再由清平潯潯北岸劉曉前已有旨諭令另候補用  
著王文韶督飭各軍節節進剿實力掃蕩並著曾璧光周達武嚴飭黔軍隨時與楚師聯絡會合兜剿以期迅掃逆氛肅清  
黔境將此由五百里諭知曾璧光並傳諭周達武王文韶知之○子貴州陣亡遊擊向信玉等祭葬世職○丙子諭金順蘭  
汰兵勇迅赴烏里雅蘇台將軍任○丁丑諭何璟等嚴山西應解京餉銀十萬兩充景廉軍餉○添設吉林三姓佐領  
騎校二領催前鋒各五名披甲一百一十五名裁西丹三百名○戊寅諭軍機大臣等奎昌等奏官軍剿匪獲勝王檢道取  
各摺片據稱達爾濟帶隊於九月初九日在喀雅喀喇烏蘇地方剿匪獲勝逆賊約僅百名此股殘匪見竄何處音價一  
帶是否尚有另股竄踞前據杜嘎爾奏主堆老四業經殺斃茲據賊供該逆向南山逃竄著奎昌多布沁札木楚探明賊踪  
嚴密設防以遏奔突杜嘎爾當懷遠疊次諭旨督率所部規賊所向相機進剿迅掃逆氛此項賊匪皆由肅州竄出據獲賊  
供稱大頭目馬四久伏肅州若不擒其巢穴則該逆首時賊匪竄出關為害伊於胡底著左宗棠檄催徐占彪趕赴肅州認  
真搜捕務將馬四老巢迅速攻毀毋任逆首稽誅致令蔓延為患成祿如尚未西進亦著督率將士協同搜捕以絕根株達  
爾濟前因輕率招降縱賊遠颺業經降旨革職等因著奎昌多布沁札木楚杜嘎爾仍遵前旨將該革員貽誤情形嚴行審  
訊定擬具奏達爾濟所部官兵杜嘎爾撥派何員營帶並善該副都統一併具奏榮全前赴伊犁帶兵僅一百餘名甚形單  
弱著杜嘎爾迅飭吉爾洪額訥蘇肯統帶吉林黑龍江官兵各五百名剋日前往馳候榮全調遣該二員啟程日期即著迅  
速具奏毋再推諉延擱榮全因兵力不敷貽誤事機恐杜嘎爾不能當此重咎也將此由六百里各諭令知之○嚴剿長  
佑馮子材奏會籌越南軍務劉長佑奏接奉諭旨續陳下情並控獲獲賊首各摺片越南匪首蘇福漢等匪黨聚眾投誠仍  
復心懷反側自應乘其窮蹙悉力殲除以絕後患著劉長佑馮子材督飭派出各軍迅將海陽太康一帶匪眾悉數殲擒匪  
首蘇福漢等務須設法擒獲毋任漏網其河陽興化等處距邊較遠自不宜窮兵深入轉致連累空虛該督等當知該匪  
王自行攻剿以情餘孽僅該匪竄近邊境仍當隨時派軍協剿毋稍疏視該匪所屬之峯門等處久為賊藪該督督軍應將  
潘村金屯匪巢先後攻克並擒獲匪首何先體等正法辦理尙妥所有在事出力員弁開紳著劉長佑擇尤附奏請獎以示  
鼓勵仍著督飭副將陳培桂等將禾藤交界遇匪援捕淨盡一面妥籌善後緩緩靖地方革生果汝福廣展堤防同知法記亦  
當嚴行懲辦以儆效尤永甯州四十八峒之逃匪伍稅等竄往柳城余東上雷等村結黨滋擾著飭令遊擊黃典仁等迅速  
嚴辦務絕根株劉長佑所陳為官吏除積習為地方圖久安務當振刷精神實力籌辦用副委任至所請從寬軍營員儘

# 東華續鈞

同治九年十一月

三

寓楚省者尚不乏人恐有招搖等事該撫但當隨時查察有犯必懲毋庸認過慮也前因馮子材等奏進剿越南賊匪奪獲聚隻擬挑進呈當照所請准其挑還數隻解京第念越南貢象甫經到京若再將象隻進呈道途跋涉恐沿途州縣供應不無擾累所有此項象隻著馮子材發給夷官領還毋庸解京將此由四百里各諭令知之○庚辰丁寶楨因病賞假以文彬署山東巡撫由布政使署○辛巳張之萬開缺養親仍以文煜兼署閩浙總督在福州○追子湖北陣亡知縣魏國振於麻城建祠○癸未諭內閣伊犁自同治五年失守逆回盤踞淪陷數年該處官弁軍民人等身陷賊中本有應得之罪惟念當時回氛猖獗該官弁軍民人等被其僞脅未能自拔尙屬情有可原朝廷感愛黎元務從寬大所有從前在伊犁城被陷之官弁軍民人等均著加恩免其治罪並著雲伊犁將軍榮全循行宣示寬其既往之愆予以自新之路該官弁軍民人等務各激發天良共保地方毋任回匪再行窺伺至該處人眾輾轉流離情形困苦殊堪廬念並著該署將軍妥為撫恤毋令失所用副朝廷憫恤小民至意○諡軍機大臣等榮全奏探道西進布置後路機宜並請飭催杜嘎爾迅撥馬隊杜嘎爾奏籌辦調往伊犁各隊並派員接統連兩清所部官軍暨擒獲賊供情形各摺片榮全見已行抵科布多所屬札哈沁之沙札蓋臺所有籌辦駝馬及調備後路接濟均尙周妥惟從此西進天氣嚴寒程途荒僻殊深慮念榮全勇於任事不避艱險甚屬可嘉著即激勵官兵探道前進早抵伊犁妥為經理其後路轉運各事宜仍著奎昌多布松札木楚常順文碩妥速籌辦不得稍有貽誤索倫官兵遠在葉塔子流離日久緩急難恃自非得力勁旅不足以壯聲威杜嘎爾見已令吉爾洪額訪蘇肯整隊啟程並因應放餉銀咨商慶春先由部撥榮全軍餉內截罰銀五萬交口北道辦理月餉下餘解營趕辦各項自因移緩就急起見著慶春即行撥給應用並著奎昌多布松札木楚於烏城餉銀內提撥五萬兩解交榮全以抵葉圖之款杜嘎爾務當飭令吉爾洪額等迅速拔隊前進毋稍遲緩經過烏科臺站應備各項並著奎昌等豫為籌備毋致沿途阻滯是為至要杜嘎爾請撥餉銀五百分本日已諭令工部照數撥給該副都統趕緊派員領取以資應用並將該副都統所部各員見有餉帳先行湊齊飭吉爾洪額訪蘇肯迅速西進不得藉詞耽延連兩清所帶之隊杜嘎爾擬派參領貢果爾等並先令營總韓克巴進爾台暫行營帶著即飭令貢果爾星速前往統帶察哈爾官兵在會音河一帶扼要防守期與烏庫山城聲勢聯絡刻下敗殘餘匪竄往何處據獲賊任發供稱賊首馬受等是否被殺並未確知等語仍著杜嘎爾查明具奏一面確探賊蹤嚴密追剿迅掃以殲所有任發供詞並著咨送奎昌等嚴辦記名副都統成山侍衛永德業已到營杜嘎爾督同該員等將所帶隊伍相繼布陣協力防剿毋誤事機榮全另摺奏保經理臺站操辦駝隻尤為出力各員已據請獎

其餘正盜督臺出力人員並督奎昌多布沁札木楚常順文順侯西進大兵過境後查明分別請獎榮全又奏接據伊犁被  
離官員來稟情形本已降諭旨將該官弁等免其治罪並令榮全妥為撫恤矣該處官民感戴國恩其志可嘉所有各  
營官員著仍以原職分營各眾並准以喀爾莽阿舊署湯伯營領隊圖記各營事務即責令一體照料仍著榮全到伊後察  
看情形多方激勵以固人心而維大局將此由六百里各諭令知之○是月錫綏山西薩拉齊等五廳縣被水新舊額賦並  
賑徐溝平遙二縣貧民一月口糧

十一月丁亥朔山西陝西迅解金順營餉○已丑諭各省督撫密保堪勝臬道府人員○護理藩院嚴飭錫林郭勒等  
盟長支應臺站駝馬○以李鶴年為閩浙總督錢鼎銘為河南巡撫孫觀為直隸布政使李文敏為廣東按察使由直隸大  
○癸巳左宗棠奏八月二十一日令提督傅先宗楊世俊將造成船隻於狄道先架浮橋緣狄道對岸地勢寬坦又北距賊  
巢尙隔山溝數重非若三甲集岸峻瀕急又正對賊巢為賊所必爭也二十二日傅先宗楊世俊各督所部臨河放船牽纜  
橫渡船甫抵岸即派營過河築壘二十三十四日橋工成二十六日傅先宗飭提督彭國忠四營渡洮營於西坪二十七日楊  
世俊飭提督張仲春以宗岳四營渡洮營於三義河飭遊擊何建威以四營渡洮營於陳家坪山頂每官軍渡洮結壘賊時  
以零騎數十或百餘往來窺伺然一擊便走不肯戀戰也唯陳家坪山巔立營時賊以其與三甲集巢穴漸近二十八九日  
亦於黑山頭築四壘七卡守之又於大坪山紅莊連築數壘與黑山頭賊壘互相聯絡其高家集磨脂山亦皆添築賊壘以  
防狄道官軍九月二十二日賊糾高家集各股分撲官軍營盤均經擊退敗賊二百餘名是夜四更有賊千餘潛襲彭國忠  
營彭國忠調知之先伏精銳於營盤左右山溝賊至伏發斃賊多名十八日傅先宗楊世俊會攻高家集傅先宗率所部由  
西坪以進楊世俊率所部由西坪山梁進何建威率所部由楊家嶺進立將當路十數卡一律踏平賊皆望風遑遑師抵楊  
家嶺西邊黑山頭賊壘出賊來援總兵故天印擊走之乘勝破紅莊賊營一座十九日仍分三路疾進步卒整隊排行馬隊  
分左右鈔擊立將高家集八營一律踏毀敗賊竄退高家集大堡傅先宗楊世俊令步軍合圍堡賊以馬隊遮隔援賊兩將  
大堡外木橋拔毀參將廖嵩放勇先登中較殞命將士憤甚四面環附而上立克高家集大堡分兵平毀新集子壕平川吉  
家山各莊堡計兩日內殺賊二千餘名生擒馬王等二十一名軍前正法其紅山各賊壘亦次第攻破二十六日楊世俊攻  
馬家集克之斃執紅旗紅衣賊目一名餘賊鮮得脫者遂向草灘前進行至中途瞥見賊騎一起從西馳至即設伏截之擒  
賊數十餘名而奪其馬餘賊驚覺圍攻去訊之生擒逆賊供稱竄去者為南河賊目馬五馬阮亮及悍黨數十名楊世俊

率所部策馬疾追立將馬五匹亮及餘逆悉數生擒而還馬五匹傷重不肯行已於軍前正法檻送馬亮亮來安定宗  
棠親提訊勒馬亮亮供係本名馬格力布即上年秋追陣擒巨目緯號張飛之弟在雷河充阿輝管回眾二千餘此次因探  
封臺消息被擒比經斬決示方傳先宗楊世俊兩軍之架橋渡洮也上等會高狄河逆回悍黨盡踞三甲集太子寺大東  
鄉固宜設法渡洮洮痛剿然不先由狄道出師牽制賊勢令賊備多力分既非先其易者後其難且其時雨雪連旬挑  
河旋消旋漲康家巖近岸之處洲渚縱橫橋可免水而過然正溜埽西岸邊家灣鄧家灣而下水面雖僅數丈深可滅頂人  
馬不能踰越且康家巖對岸山脚直插洮濱即得達彼岸亦無列隊之處賊又於岸邊掘壕數道伏匿其中開槍抵拒勇士  
爭渡不得往往被傷實爲非策擬俟洮流漸落再議架橋而諸軍急於赴戰必欲力爲其難八月二十八日提督徐文秀劉  
明燈親赴狄道接取新造船纜順流而下駛過鄧家灣賊壘副將喻友才參將殷德益爲槍子所中登時殞命幸各營隔岸  
競開勢山巖將船攔阻搶提歸東岸得免損失斃賊亦多九月初一日亮水衝渡攻集隔岸巖壘弁勇淹死者三十餘名受  
槍礮傷者十餘名適宗棠派營務處前福建布政使王德榜道員朱明亮帶親兵兩哨察看形勢到康家巖列隊助剿關  
洋槍測準轟擊斃賊約二百名賊復由皮船分渡巖上下游及沙泥站等處圖劫運道初七日徐文秀率隊擊之值賊由洪  
清橋渡過沙泥徐文秀調各營劈山礮轟之擊沈賊船一隻斃賊多名十一日徐文秀劉明燈見水勢稍退議輕攬率船搶  
過河灘築壘賊出大股排列河半徐文秀等見賊勢圍聚連施開花大礮斃賊極多並開放螺絲後膛大礮轟坪對岸礮臺  
一座賊紛紛駭竄軍士撥船牽壘乘勢急進卒以水深湍急不能徑渡廢然而返十七日賊由上游柳林溝口偷渡經總兵  
黃宏漢擊退擒斬多名副將駐金城被賊飛子洞穿左脅登時殞命二十三日總兵楊芳桂赴蘭州運糧回營所部參將楊  
其昌率步隊百餘由沙泥迎護中途遇伏力戰陣亡弁丁從死者七十餘名徐文秀劉明燈所部遊擊邊得貴參將楊正茂  
擊賊新田鋪劉明燈率馬隊襲賊鄧家灣東均復小勝徐文秀因水勢漸落船橋終不能成偵其稟請由狄道過浮橋從黑  
山頭橫橋三甲集宗棠深慮其議然康家巖對岸及沙泥站以下一帶洮西渡船約二十餘隻皮船更多不勝數皆賊有  
也官軍繞狄道浮橋以登彼岸雖勝算可操然黑山一帶賊壘林立官軍踰溝數重仰攻已難設師期稍滯而賊乘船競薄  
東岸阻防兵力已單尤非安策因飭暫輟此行飭王德榜朱明亮率營親兵千餘名益以提督陳廣發副將凌春奎步隊  
兩營提督陶生林馬隊一營於距康家巖六十里站灘間道過狄道浮橋以趨八羊溝並飭調楊世俊宗岳數營以厚兵力飭  
傅先宗率所部力攻黑山頭以牽賊勢飭劉明燈豫備柳林溝架橋飭徐文秀豫備康家巖架橋如見王德榜師出八羊溝

則列隊東顧以待二十九日王德榜率數十騎由站離先行過楓樹澗突有回逆自發薄開衝出刺傷數人下馬王德榜測  
準發槍連殲二賊正相持大隊馳至賊始駭退旋派隊接山擒斬三十餘賊十月初一日王德榜未明亮由伙道過浮橋  
楊世俊調宗岳軍親率馬隊同進連日審看地勢見黑山頭賊壘憑高俯瞰官軍仰攻非便惟石鼓墩與黑山頭共一山梁  
官軍立壘於此據賊之中則左埽黑山右埽邊灣均爲得勢初五日五鼓清帥夜起王德榜楊世俊派宗岳營總兵高登五  
親兵營總兵鄧榮佳副將余起立各率所部上石鼓墩搶寨兩壘適值風霧四塞賊不辨官軍多少未敢徑前撲犯比壘成  
霧散賊以大股來撲官軍憑牆轟擊斃賊無算黎明賊以一股圍撲石鼓墩營一股踞山腰徐文秀等於兩岸遙見官軍已  
到石鼓墩乃即列隊架橋搶渡山腰之賊飛赴邊家灣堡助守王德榜揮隊截之共圍攻石鼓墩營之賊見勢不支亦據圍  
來援官軍分途縱擊勇氣百倍朱明亮怒馬衝鋒手刃三賊陶生林繼之高登王鄧榮佳余起立從石鼓墩山腰下合攻邊  
家灣賊壘破之徐文秀劉明燈揮所部槍過西岸立成三壘隨隊助剿斃賊無數初七日傳先宗率所部由石鼓墩進攻黑  
山頭各壘王德榜分宗岳兩營及親兵兩哨助之而自率親兵八哨及陳廣發凌春臺陶生林等營會同徐文秀攻鄧家灣  
三甲集賊眾見鄧家灣被圍急喊悍黨萬餘由山梁紛馳來援王德榜朱明亮徐文秀劉明燈一面分禦援賊一面聚攻壘  
賊槍礮刀矛層遞轟刺鏖戰兩時許賊屍山積立將鄧家灣賊壘攻破賊敗潰不可止馬隊沿岸掃蕩步隊上山逐追愈  
戰愈奮遂將三甲集鄧家灣附近各村堡一律破除擒匪供詞逆目謝頭號王海發均斃於陣傳先宗攻黑山頭之軍探悉  
該逆緣岡結壘懸亘二十餘座其西南又與新路坡紅馬家賊巢相連既須仰攻尤防牽制因飭王德勝設伏蓮花山邊新  
路坡等處接應何建威率所部攻黑山中梁爲中路彭國忠率所部繞八羊溝出黑山之南攻其前敵天印張德勝率所  
部攜鐵鎗循樑徑出黑山之北並其後自率所部爲中前路援應其石鼓墩赴黑山頭之路爲斷掘斷峻削難登又守以堅  
壘惟飭石鼓墩兩營作進攻之勢以綴其力部署後衛校各營四更時中前兩路皆抵賊壘槍礮雷轟賊死拒歷兩時許傳  
建威拔幟先登賊其第一卡守賊壘壕窺窺彭國忠朱運廣亦督隊猛進繼破左右兩卡各壘之賊以黑夜未出天明均悉  
銳來援傳先宗揮隊衝突正酣戰開放天印已攀藤緣磴從山後壓下賊咸驚愕傳先宗突入賊陣手刃悍逆二名賊慌亂  
不及入卡四散奔潰各營風馳電掣立將黑山頭夷延數十里大小賊壘悉數剷平陣斬匪黨五百餘名其新路坡之賊聞  
黑山頭破歸於卵刻由蓮花山後擁至王得勝伺其逼近由山腰截出賊遇伏氣奪王得勝率隊繞前壘之賊敗奔返巢接  
斬亦厥初八日傳先宗蕭彭國忠所部兩營並建字兩營分紮黑山要隘自率所部緣黑山後嶺搶上三甲集南山巔立營

購得黑山散賊屯第八甲口之內調馬隊向王家坪一帶沿河搜剿各村出馬步四千餘結陣負隅提督丁桂智總兵王銘忠分兩路包抄賊分隊以應教天印率隊由山頭壓下賊腹背受敵奪路分逃馬步各隊立將三甲集以西村寨土堡掃蕩無遺王德榜初七日破賊後紮黑山連南三甲集之前傳先宗因紮三甲集後以相犄角徐文秀劉燭燁亦於初八日將唐家巖浮橋搭成劉明燈駐守徐文秀接紮趙家地勢均均已聯絡惟楊世俊一軍因船艙三川油油溝等處尙有賊壘於初七九五鼓率所部分三路進剿賊憑壘死守各弁再填溝銳進立破賊壘三座殺賊三百餘名生擒九名乘壘逃者爲馬隊所愛越山狂竄撤隊後接王德榜函會以鄧家灣黑山頭皆經得手惟三甲集巨壘未下遂於初八日率馬隊翻山南下與各軍合沿遠截殺賊多名初九日會攻三甲集王德榜朱明亮率所部出其前宗岳軍繼之楊世俊率馬隊沿河順川而進楊芳桂及楊正茂繼之徐文秀率所部及尤成章橫壩而前沈玉遂督果軍繼之傅先宗所部據山俯擊兼賊邊援劉明燈所部於水家溝沿河截剿黎明各路以次進逼逆首馬占釐初猶登牆瞭望防守槍隊如雨繼以木石各軍冒險撲升前者壁後者繼自卯迄未周麾而登馬占釐難敵賊中奪門向八甲口而逃各軍分攻東家口陽挂各大小堡卡十餘所破之共斃賊二千餘名生擒百七十四名官軍亦有傷亡初十日徐文秀移紮三甲集餘軍分扼要隘十二日各軍攻破張家坪堡及大貝坪甘坪紅莊張家灣各堡十三日劉明燈朱明亮攻破鮑家莊大坪等堡十四十五等日諸軍進大東鄉口攻剿各賊巢盤斬均多惟據各路馳報其戰事詳細情形應俟續奏竊維狄道河州風爲同眾萃聚之所土著漢民不過十之二三居民恃其族大丁多習爲盜賊漢民之弱者供其役使謂之從教之戶其稍強不甘從教而勢力不敵往往失業爲匪游掠地方所謂黑頭勇者是也又一種撒拉回民居河洮西甯之閒別爲風氣亦以剽掠爲業百餘年來不受官司約束與河湟諸回互相勾結承平無事時燕齊皖豫舊馬剽盜多出其中此固不獨甘肅應除之賊宗棠初到安定河州諸賊日紛紛上稟求降而於繳馬械求安插諸務獨不一及比知其未受痛創賊心未死遂飭諸軍渡洮進剿茲幸連奪要隘扼賊之吭斬賊共萬餘計足寒賊膽而快人心察看賊勢由三甲集以西至太子寺雖賊壘林立而其眷屬死黨均盡聚大東鄉一隅大東鄉在三甲集太子寺北周百餘里山巒層疊路徑狹險賊以重利啖撒拉逆回誘其助拒官軍非剋期數路冒險排進節節殲除不能殲操勝昇兒已密飭傅先宗楊世俊先攻三甲集各壘卡直搗太子寺斷兵守之乃回攻大東鄉與諸軍分道並進應可製賊死而速戎機又奏提督楊世俊張仲春在秦州等處剿賊獲勝情形馳報在案此股竄逆經官軍擊敗後復分擾成禮西和一帶經提督殷華廷田連考監副將王聲揚等分投截擊疊有新捷而山谷叢錯道路分歧最

賊竄伏其間時出肆掠當經臣飭殷華廷督營帶安左營副將張善吾分撥所部扼紮徽縣西南三十里之富家鎮以陝西成鳳縣而順徽兩運道九月二十一日殷華廷調賊由成縣之西陳家莊向祈家壩竄走恐其由黃清關出竄類據我糧運一面函約駐秦之田連考率隊會剿一面帶所部馳赴黃清關一帶攔頭截剿沿途探知陳家莊竄賊已經湯聘珍派張善吾在祈家壩二郎廟等處擊敗困賊於白馬寺達星夜趕行復因山路崎嶇至成縣改騎爲步二十五日抵白馬寺會商張善吾於二十七日五鼓出隊分兩路進剿黎明賊見官軍猝至不敢接戰翻山向閭家河竄出適另有股賊從西河竄來與之合賊勢漸張二十八日田連考率所部抵閭家河商同殷華廷張善吾分路進剿二十九日辰刻出隊賊方造飯未熟忽親官軍掩至悉力抗拒相持時許田連考率所部左右盪決陣斬悍賊多符紅衣賊目一名賊眾大潰正追逐間右莊伏賊突出張善吾率隊擊之賊敗奔上山各軍分隊齊登巖上拋石如雨官軍奮勇衝殺賊眾辟易窮追三十餘里越嶺五重計獲獲善美跌斃之賊四五百名解散被脅難民數百人生擒回逆數十名訊明正法漏逸之賊不過百餘而已又奏據固原提督雷正綰廣稱據營帶旌善營都司穆進善稟報八月初四日突有賊竄入北山穆進善會同民團乘夜擊之斬賊多名賊敗走三營雷正綰查保馬彥濤逆股當派左營提督陳義馳赴東山幾前截擊親率馬隊向北路追剿副將邵永清總兵李廣珠各率馬步繼之初十日追至毛渠井揮軍急擊陣斃悍賊二十餘名正收隊聞忽有另股步賊從山溝衝出邵永清挺身抗拒屢戰半時李廣珠陳義趕到併力夾攻賊受重傷而逃十三日據參將李積慶稟同心城附近之李家岡有馬賊百餘名竄過丁家二溝強營總兵易元壽率隊迎剿賊至兀家灣是夜三更乘賊睡熟直前撲入殺十數人賊驚起格拒混戰逾時賊敗潰竄投山溝計殺賊五十餘名落巖死者不計其數官軍陣亡一名受傷十名而已據拉賊馬五牲供稱逆金明忠楊百成由河州分出欲在米包山盤踞再竄東山等情訊畢斬之賊敗後潛與馬彥濤狗齒牙二連合股賊復添十三日由馬房川竄環縣之二十里溝環捷營副將王楚仁聞報恐賊內竄不及調隊即率親兵百餘人往賊賊於途乘勝追殺六十餘里至紅德城時已初更王楚仁聞賊大隊向在火礮山徑往襲之賊倉卒失措紛紛竄竄官軍乘隙追殺傷過當賊拚死回拒王楚仁身先陷敵連斃十數賊忽頭中槍子登時陣殞弁勇憤主將之死攘臂奮呼爭先殺賊賊互有傷亡而士氣彌厲時前路提督甘大有派左前兩營由野狐關來援賊聞追軍大至分途四竄其竄入合水者數十人經總兵張福壽派隊會合防勇兜擊於北谷廟岔頗有擒斬大股向靈州定邊狂竄因官軍截剿復由靖遠打喇堡乾薑池壩中之地潛過雷正綰派精選各營追之二十五六等日疊有擒斬賊匪入荒山投奔無蹤臣度賊不能東趨豎固必西竄會商

急派王德榜王衍慶督率親兵兩哨馬勇一旗入山搜捕九月初十日調賊由車道橫向好麥川竄走躡追及之槍礮齊轟  
斃賊無數賊回馬抗拒我軍再接再厲賊勢不支馬隊乘勝逐之賊紛紛墜崖而死追殺數十里不見賊蹤而還是役計斃  
賊百餘我軍僅陣亡勇丁一名旅後路提督徐文秀報稱水泉洪濟橋夜間有賊偷渡當派馬步追捕至新店子遇賊百  
餘總兵沈玉遂鄭守南分頭迎擊槍斃紅衣騎目一名殲斃步賊數十名餘賊翻山竄去據擒賊朱二娃子供認目馬姓由  
固原一帶同竄河州巢穴當即馬彥濤也臣查馬彥濤等逆不過二百餘騎加以金明忠楊百成一股屢入亦不過數百騎  
而往來飄忽一擊即走隴北荒山廢堡極多最易藏奸然無食可掠其必竄併河州無疑見據雷正綰魏光燾及靜甯甯南  
護運各防營報旬日以來後路並無賊暫而河州大東鄉一帶添有賊蹤臣飭渡洮諸軍嚴密圍剿聚而殲捕又奏快甘  
軍務固金積驛平化平川安插周妥後威信既明回族均有求撫不得之意蓋貪生畏死與去危就安之情即異類亦有同  
然也茲據駐化平川辦理撫務之記名道馮邦棟呈送化平川魚鱗戶口冊籍來營稟稱撫回蘭興春陳林等二十餘名據  
稱見得竄匿西甯之陝回崔三禹得彥白彥虎馬五馬九兒鄒保和馬生馮君葵哈連金等數十人來信說其得所哀懇  
具保投誠並央其呈遞稟詞臣聞該逆等求撫之稟詞意尙爲真切並稱如有不誠心就撫者即自行剴洗等語查崔馬等  
逆見據西甯大小南川一帶距河州賊巢止一河之隔當飭馮邦棟傳知蘭興春陳林等前赴西甯密諭崔馬等如能先將  
眷屬送蘭州安置一面相機扼截渡口以遏河賊出竄之路方准收撫如更能設法直搗河巢則不但免罪且准敘功已於  
十八日遵令西行矣頃又據提督楊世俊稟近因軍威不振回眾祈請收撫未便概與拒絕一起爲陝回首逆楊文治之弟楊  
文彥八十餘戶一起爲葭蓂堡回目馬應林男婦三千餘口又從教漢民男婦二千餘口已飭盡繳馬械聽候安插此外乞撫  
者尙多臣惟驗其誠偽分別辦理上諭軍機大臣等左宗棠穆圖善奏官軍攻破賊壘屢獲勝仗一摺覽奏欣慰此次左宗  
棠等督軍渡洮連戰大捷踴躍高家集等處賊壘斬馘萬餘並將三甲集巨巢攻破軍威丕振踴躍已稟辦理極爲得手惟由  
三甲集以西至太子寺賊壘林立其眷屬死黨均聚集大東鄉負隅抗拒亟宜乘此聲威節節掃蕩左宗棠已飭令傅先宗等  
先攻三甲集各壘卡直搗太子寺再回攻大東鄉與諸軍分道並進調度甚合機宜著臣敕勵各軍剴期前進盡殲逆氛以竟  
全功另片奏中南兩路官軍剿賊情形亦均得手見在中路平慶鹽固一帶已就肅清馬彥濤等逆竄併河州大東鄉一帶正  
可乘勢兜圍聚殲類毋令四出蔓延南路各軍已將河州竄出回股追剿殆盡尙屬出力准由左宗棠奏案擇尤保獎另片  
奏同日具稟投誠等語崔三禹得彥等悔罪投誠原可網開一面惟必須責令直搗河州與賊接仗立功方准收撫此中操縱

機宜該大臣等務當妥爲籌畫毋稍疏虞其投誠之陝回楊文彥及封臺堡回目馬應林等應如何妥爲安插之處並著察  
看誠僑相機辦理將此由六百里各諭令知之○于甘肅陣亡副將喻有才等祭葬世職○戊戌諭軍機大臣等張曜奏查  
明沿邊一帶口隘繪圖呈覽一摺據稱肅州之金塔一帶邊牆間有坍塌平番之裴家營古浪之大靖土門及甘涼南山各  
口均可通達邊外陝回匪三等股勾串西甯肅州土回分股竄擾人數頗眾是甘省西北一帶賊蹤出沒靡定實爲沿邊之  
害見在大軍由三甲集等處進剿恐河州之賊勢窮紛竄西北一帶愈形喫重左宗棠務當通籌大局豫爲防範前據該督  
奏稱陝回匪三等具稟投誠是否真心悔罪仍著察看情形妥爲籌辦不可稍涉大意肅州同軍時竄玉門安西等處著機  
令徐占彪抵肅後將該處防剿事宜速籌布置以通出關之路阿拉善旗紅柳園等處見在有無匪蹤匪著張曜飭令李葆  
琛等認真截剿以清餘孽北路沿邊口隘並著隨時偵探嚴防毋稍疏懈圖留覽將此由五百里諭知左宗棠並傳諭張曜知  
之○己亥于甘肅陣亡副將施鵬翔難提督周顯承等祭葬世職○庚子申諭慶春等整頓察哈爾所屬各臺轉運事宜○  
辛丑諭軍機大臣等左宗棠稟稱善奏附省各營剿賊概勝情形穆圖善奏派兵扼茶柳林溝各摺片甘肅附省一帶時有  
賊匪竄擾經各路防軍隨時剿辦是有斬擒不至蔓延爲患見居嚴寒河水凍結深恐賊匪伺隙紛乘仍著左宗棠稟圖善  
機飭防軍勤加偵探遇賊即擊毋得稍涉疏懈洩洩各營已攻克三甲集進規大東鄉該處賊悍巢堅山徑錯雜我軍深入  
尤宜穩慎進取方免疏失穆圖善准左宗棠知照東路空虛前敵無兵可撥因派總兵李佑清統帶三營扼茶柳林溝邊賊  
旁竄惟省城密邇巨寇兵力僅有六營實屬不敷分布曹克忠接統准軍前赴肅州一帶須由蘭州省城經過如屆時河州  
尚未攻克即著該提督會商穆圖善或將所部分紮省城附近各隘騰出穆圖善之兵前往省外各要隘分布似於防剿兩  
有神益該提督當迅速拔隊啟程相機籌辦毋誤機宜省防緊要仍著穆圖善就見有兵力妥爲布置務臻周密將此由六  
百里諭知左宗棠穆圖善並傳諭曹克忠知之○以臺站廢弛撤科布多參贊大臣文碩任仍下部議議○貴奏奏籌備軍  
糧安設臺站各事宜均如所議行○丁未諭軍機大臣等張曜奏剿辦匪情形一摺提督李葆琛等於九月初六等日在  
紅沙梁井泉墩地方疊次擊賊獲勝西南等處回匪六七百人從烏喇特旗擄掠而歸復經李葆琛等率隊剿擊逆賊遁向  
鎮番西南另股竄匪擾及中衛及甯夏縣屬境經張曜督隊迎剿均有斬擒剿辦尙爲奮勉陝回匪黨西甯大通一帶四出  
剽掠柳林湖素爲產糧之區連年被擾見經張曜抽調兩營添紮以厚兵力即著飭令該官兵等嚴密防堵遇有賊匪竄近  
卽行實力殲除不可稍有疏虞其甯夏一帶地方著該提督將防剿事宜隨時相機妥辦以副委任○以四川災歉傳免月

協辦餉○戊申陝西巡撫蔣志章卒于繁葬○以翁同龢爲陝西巡撫鍾麟爲陝西布政使○巴西諭軍機大臣等劉長佑馮子材奏官軍攻克舊街逆巢首逆就擒一招逆首蘇福漢股匪麇聚廣安經瑞麟劉長佑等各派官軍協同剿剿先將舊街賊巢攻克乘勝追殺直抵海甯蘇逆攜其養子亞鄧暨悍匪數人奔竄東興爲官軍弋獲東路漸清此次出力各員准由馮子材查明存記彙案請獎蘇逆既經弋獲是否解至廣東正法仍著劉長佑等詳細具奏該逆養子亞鄧見在潛逃漏網張侍顯亦敗竄十萬山中餘黨紛紛逃回東界亟須速行搜捕悉數擒獲淨絕根株著瑞麟劉長佑馮子材分飭派出各軍實力搜擊以消邊患西路環北二山股匪並著劉長佑等飭令劉玉成等軍認真會剿迅殲逆氛將此由四百里各諭令知之○諭八旗副後外省官員有應襲雲騎尉恩騎尉世職者即奏請承襲毋庸調取引見○諭文煜等購米四萬石運天津備賑○壬子子吉林陣亡記名副都統常在在祭葬世職○癸丑諭軍機大臣等奎昌等奏請撥餉兩劑用一摺舊駐塔爾巴哈台之厄魯特察哈爾哈薩克人丁自失遊牧以來僑居科布多接壤額爾齊斯河南之布倫托爾一帶奎昌等以該遊牧舊地土脈肥饒水草茂盛較勝布倫托爾不若令其仍遷原處即著奎昌多布沁札木楚與常順保英富和文順會同咨商賣成巴彥特古斯妥爲辦理該營舊設總管副總管等缺並賣令巴彥特古斯就見在人員內詳加察看如有辦公勤慎才具優長者即著該將軍大臣等奏請作爲實缺如其不堪勝任亦即揀選更換以資得力至舊設兵額應如何酌增額糧及捕盜兵丁之處著該將軍大臣等妥籌具奏奎昌等所奏官兵廉俸餉銀請自來春爲始按季支發其厄魯特等人丁仍遷故土應須餉銀請賞銀一萬兩均著照所請行惟以上各款均應備爲善備以供支放著戶部撥銀二萬兩即咨照指撥省分並察哈爾都統務於來年春季場數解至烏里雅蘇台分別動用科布多塔爾巴哈台事務緊要煩大員前往經理常順保英富和務當星速進行迅赴新任以重責守將此由六百里各諭令知之○乙卯諭軍機大臣等文麟奏奏玉門敦煌賊擾情形各等語肅州同逆自本年三月至六月間疊次竄擾玉門縣屬之昌馬湖赤金等處勢甚蔓延撲犯敦煌之賊於七月間退竄後復於八月間糾集大股紛擾該縣境內情形甚爲喫緊該處僅有李天和所帶健銳二營兵力較單文麟見派營官王若彥等率領馬隊百餘名前往援應著即飭令會合墩煌官兵實力堵剿迅殲狂氛玉門爲關外首站逆匪出塞首當其衝該處僅有健銳一營威儀一營亦恐不敷分布文麟等務當飭令該縣文武聯絡兵團妥籌防範其屢次擊賊出力之員弁團練人等准其查明彙奏係奏該逆既有撲哈密之蕭文麟等尤應加意防範以杜窺伺刻下關外賊氛甚熾若不速其後路必致紛紛出竄愈無底止著成祿懷遠前督迅派數營先行馳赴肅路扼禦兼以資截剿仍俟餘占彪到肅即

行拔隊出關毋稍遲延並著左宗棠催令徐占彪趕緊進發即將該員到肅日期迅速奏聞將此由六百里各諭令知之○  
是月獨緩直隸開州等八十四州縣被水新舊額賦山東濟甯等七十州縣德州等四衛暨東平所被水被旱被蟲舊欠額  
賦難課浙江海甯等六十五州縣杭嚴等三衛被水被旱被風被雹並未墾田畝本年額賦難課緩徵安徽泗州等四十一  
州縣被旱被水被風被蟲新舊額賦難課直隸定州等三州縣被水新舊糧租並減免差徭展緩吉林琿春等處歉收應徵  
倉穀

十二月丁巳諭軍機大臣等奎昌等奏土爾扈特遊牧人眾流離失所情形困苦等語土爾扈特遊牧被賊侵犯搶掠牲畜  
財物該遊牧人眾展轉遷徙情形極為可憫見由烏魯木齊南山移至科布多所屬之哈布塔克等處居住著常順等隨時  
加意撫恤毋令失所該汗布彥鄂勒哲依圖現在前往各該處收攬人眾其陸續移出者金順奎昌多布沁札木楚常順保  
英文碩務當設法安置以免滋生事端該汗家屬人眾流離遷移資用缺乏前由烏科兩城借過銀四千兩著即賞給該汗  
毋庸在應領京俸下扣還以示體恤將此由五百里各諭令知之○飭各省撥解末年京餉暨內務府經費○戊午諭軍機  
大臣等曹克忠奏馳抵陝省日期請截圍淮軍一摺據稱該提督於陝州靈寶潼關一帶遇淮軍隊伍聯絡東行詢係劉銘  
傳飭令先行拔赴徐州所屬二十二營其中員弁勇丁亦復紛紛告假不絕於途等語前令曹克忠赴陝接統淮軍當諭劉  
銘傳俟曹克忠抵陝後會商一切將辦理情形會同具奏其餘隊伍帶回徐州駐紮劉銘傳自應與曹克忠面商後再將隊  
伍分別撤圍乃該提督迫不及待遽將各隊遣撤且並未先行奏明殊屬輕率見在所屬各營是否一律精壯著責成劉銘  
傳認真挑選足額不得以疲弱充數致難得力甘肅轉運艱難曹克忠統率前進隊伍亦不宜過多且肅州地方見有左宗  
棠所派提督徐占彪統帶十二營前往駐紮曹克忠抵肅後亦可聯絡布置自不必將淮軍全行截圍該提督見已由西安  
馳赴乾州著即與劉銘傳會商一切接統該軍剋期西進劉銘傳前奏擬分配馬步二十營交曹克忠接統此次曹克忠摺  
內稱分撥二十二營因何不符之處著劉銘傳曹克忠查明具奏見在拔赴徐州之淮軍各隊會同藩務督飭認真訓練  
將來曹克忠所統各營弁勇內如有缺額及不能得力者即可在徐州各營內續行挑補著會同藩李鴻章隨時咨商辦理  
將此由五百里諭知會同藩李鴻章劉銘傳並傳諭曹克忠知之○諭劉銘傳等奏自軍營破賊屢收復夷寨一摺臨  
安府屬之館驛等處賊巢見經岑毓英督兵進剿已將五山夷寨收復並分剿雙弓田心曰者鄉賊匪首從各夷寨紛紛散  
正賊勢已孤即著劉銘傳岑毓英飭令何秀林等督率前敵官軍乘勝進攻先將館驛賊巢攻破一面分兵圍剿各處賊巢

以期迅速氣其反正各夷寨務當飭令各員并會同地方官隨時稽查妥爲安撫毋令再生事端將此由五百里各諭令知之○予雲南陣亡經歷羅鼎傑祭葬世職○庚申直隸豐南土匪胡夏珠等肆擾捕獲伏誅○辛酉命刑部右侍郎常恩工部左侍郎童華赴熱河查辦事件○壬戌改山東福山縣煙臺巡檢爲繁缺臨清州王家淺巡檢爲簡缺○癸亥諭軍機大臣等前因已革提督李世忠有人參奏招集叛黨謀爲不軌諭令督國藩查奏茲據奏稱李世忠居家謀利在所不免而於新築圩寨添製槍械結納亡命等情跡查並無實據等語李世忠見在既無叛逆情迹朝廷不爲已甚仍著該督隨時訪察倘有不法情事卽行密遞具奏將此密諭知之○諭各省督撫截汰營勇酌撤釐卡○允督國藩奏本年江北冬漕仍辦河運○予湖北殉難通判沈耀登建祠○乙丑諭內閣蘇鳳文奏廣西南甯府知府景雲前赴新任取道江北該員熟悉河務請開差遣等語河道事宜非軍營要務可比景雲係見任人員該漕督請暫開差遣之處與例不合所請著不准行○諭喬松年迅堵候家林決口○添設順天府捕盜中營千總把總各一經制外委二額外外委一馬步兵六十六名歸治中營轄○己巳諭內閣李瀚章奏遵旨前赴湖南查明地方文武辦理匪徒情形一摺據稱道州土匪滋事已於上年十月辦結武岡州自擊獲牧匪蕭達源等後地方安堵本年六月內並未圍城亦無匪首施玉山聚眾潛匿等情舉人陳景濤深悉匪首劉道美等結會謀逆報官捕獲匪黨正法並將劉道美之父劉家實收聚劉道美等遂挾嫌將陳景濤父子殺害獲犯龍陽益陽縣城並非陳景濤激變所致陳景濤亦無誣殺劉秀芝之事劉道美與陳景濤並無姻親至李光燦一軍剿匪甚爲得力洞庭西湖一帶查無大頭目劉鴻怡在後潛藏及肆用洪逆偽記等情事羊濂所帶團勇不諳紀律未及一月即經調回裁撤劉曉於雷伯旺及藍溪匪徒劫殺兩案實已獲犯懲辦等語劉道美理會匪滋事情形既據李瀚章查明尚無粉飾貽誤惟於雷伯旺及藍溪搶劫殺人兩案並未明斷奏報僅於清查逃匪摺內奏委實屬疏略劉曉著交部議處已革益陽縣知縣黃應詒拏辦會匪未能迅獲正犯僅將犯屬收聚致被匪眾劫獄陷城前已革職永不敘用著發往軍臺效力贖罪候補參將羊濂帶練勦賊約束不嚴咎無可辭著以守備降補○加賞通州王恕園等處賑米四百石○庚午予山東陣亡提督曹萬元等祭葬世職○辛未諭戶部籌撥庫倫軍餉○予先儒張謨詳律紀 文廟○癸酉諭軍機大臣等王文韶奏援黔各軍攻克威鳳巢兒圍會合黔軍進剿一摺湖南援黔各軍自攻克威鳳巢賊巢後應廣田一軍剿辦清水南岸將黃子牙一帶賊巢攻克北岸鄭善堂一軍掃蕩南前進剿各處匪黨敗散賊軍威已振重宜乘此聲勢將清江兩岸一律掃平現在周達武前軍已抵黃平與貴各隨之軍可期聯絡王文韶已飭令貴州各營北渡會同鄭善堂進攻貴州白堡著旨壁